

屈原全集 (先秦)

簡 介

屈原（約西元前 339～約前 278）。戰國時期的楚國詩人、政治家，楚辭的創立者和代表作者。本世紀中，曾被推舉為世界文化名人而受到廣泛紀念。屈原的作品，根據劉向、劉歆父子的校定和王逸的注本，有 25 篇，即《離騷》1 篇，《天問》1 篇，《九歌》11 篇，《九章》9 篇，《遠遊》、《卜居》、《漁父》各 1 篇。據《史記·屈原列傳》司馬遷語，還有《招魂》1 篇。有些學者認為《大招》也是屈原作品；但也有人懷疑《遠遊》以下諸篇及《九章》中若干篇章非出自屈原手筆。在語言形式上，屈原作品突破了《詩經》以四字句為主的格局，每句五、六、七、八、九字不等，也有三字、十字句的，句法參差錯落，靈活多變；句中句尾多用兮字，以及之於乎夫而等虛字，用來協調音節，造成起伏回宕、一唱三歎的韻致。總之，他的作品從內容到形式都有巨大的創造性。

九歌：東皇太一九歌：雲中君九歌：湘君九歌：湘夫人九歌：大司命九歌：少司命九歌：東君九歌：河伯九歌：山鬼九歌：國殤九歌：禮魂離騷天問九章：懷沙九章：惜誦九章：涉江九章：哀郢九章：抽思九章：思美人九章：惜往日九章：橘頌九章：悲回風招魂大招遠遊卜居漁父

東皇太一

吉日兮辰良，穆將愉兮上皇。撫長劍兮玉珥，璆鏘鳴兮琳琅。瑤席兮玉璫，盍將把兮瓊芳。

蕙肴蒸兮蘭藉，奠桂酒兮椒漿。揚枹兮拊鼓，疏緩節兮安歌，陳竽瑟兮浩倡。

靈偃蹇兮姣服，芳菲菲兮滿堂。五音紛兮繁會，君欣欣兮樂康。

浴蘭湯兮沐芳，華采衣兮若英。靈連蜷兮既留，爛昭昭兮未央。搴將憺兮壽宮，與日月兮齊光。

龍駕兮帝服，聊翱游兮周章。靈皇皇兮既降，焱遠舉兮雲中。覽冀州兮有餘，橫四海兮焉窮。

思夫君兮太息，極勞心兮忡忡。

君不行兮夷猶，蹇誰留兮中洲？美要眇兮宜修，沛吾乘兮桂舟。令沅、湘兮無波，使江水兮安流。

望夫君兮未來，吹參差兮誰思？駕飛龍兮北征，遭吾道兮洞庭。薜荔柏兮蕙綢，
蓀橈兮蘭旌。

望涔陽兮極浦，橫大江兮揚靈。揚靈兮未極，女嬋媛兮為餘太息！橫流涕兮潺湲，
隱思君兮惝側。

桂棹兮蘭枻，斫冰兮積雪。采薜荔兮水中，搴芙蓉兮木末。心不同兮媒勞，恩不
甚兮輕絕。

石瀨兮淺淺，飛龍兮翩翩。交不忠兮怨長，期不信兮告餘以不間。朝騁驚兮江皋，
夕弭節兮北渚。

鳥次兮屋上，水周兮堂下。捐余玦兮江中，遺餘佩兮澧浦。采芳洲兮杜若，將以
遺兮下女。

時不可兮再得，聊逍遙兮容與。

帝子降兮北渚，目眇眇兮愁予。嫋嫋兮秋風，洞庭波兮木葉下。白蘋兮騁望，與
佳期兮夕張。

鳥萃兮蘋中？罾何為兮木上？沅有芷兮澧有蘭，思公子兮未敢言。荒忽兮遠望，
觀流水兮潺湲。

麋何食兮庭中？蛟何為兮水裔？朝馳余馬兮江皋，夕濟兮西澨。聞佳人兮召予，
將騰駕兮偕逝。

築室兮水中，葺之兮荷蓋。蓀壁兮紫壇，菊芳椒兮成堂。桂棟兮蘭橈，辛夷楣兮
藥房。

罔薜荔兮為帷，薜蘿櫂兮既張。白玉兮為鎮，疏石蘭兮為芳。芷葺兮荷屋，繚之
兮杜衡。

合百草兮實庭，建芳馨兮廡門。九嶷繽兮並迎，靈之來兮如雲。捐余袂兮江中，
遺餘褱兮澧浦。

搴汀洲兮杜若，將以遺兮遠者。時不可兮驟得，聊逍遙兮容與。

廣開兮天門，紛吾乘兮玄雲。令飄風兮先驅，使凍雨兮灑塵。君回翔兮以下，逾

空桑兮從女。

紛總總兮九州，何壽夭兮在予！高飛兮安翔，乘清氣兮禦陰陽。吾與君兮齋速，導帝之兮九坑。

靈衣兮被被，玉佩兮陸離。壹陰兮壹陽，眾莫知兮餘所為。折疏麻兮瑤華，將以遺兮離居。

老冉冉兮既極，不寢近兮愈疏。乘龍兮麟麟，高馳兮冲天。結桂枝兮延□，羌愈思兮愁人。

愁人兮奈何！願若今兮無虧。固人命兮有當，孰離合兮可為？

秋蘭兮麝蕪，羅生兮堂下。綠葉兮素枝，芳菲菲兮襲予。夫人自有兮美子，蓀何以兮愁苦？

秋蘭兮青青，綠葉兮紫莖。滿堂兮美人，忽獨與余兮日成。人不言兮出不辭，乘回風兮載雲旗。

悲莫悲兮生別離，樂莫樂兮新相知。荷衣兮蕙帶，儵而來兮忽而逝。夕宿兮帝郊，君誰須兮雲之際？

與女遊兮九河，沖風至兮水揚波。與女沐兮咸池，晞女發兮陽之阿。望濼美兮未來，臨風悅兮浩歌。

孔蓋兮翠旒，登九天兮撫彗星。愆長劍兮擁幼艾，蓀獨宜兮為民正。

噉將出兮東方，照吾檻兮扶桑。撫余馬兮安驅，夜皎皎兮既明。駕龍輶兮乘雷，載雲旗兮委蛇。

長太息兮將上，心低徊兮顧懷。羌聲色兮娛人，觀者憺兮忘歸。絙瑟兮交鼓，簫鍾兮瑤虞。

鳴篳兮吹竽，思靈保兮賢媯。翺飛兮翠曾，展詩兮會舞。應律兮合節，靈之來兮蔽日。

青雲衣兮白霓裳，舉長矢兮射天狼。操餘弧兮反淪降，援北斗兮酌桂漿。撰余轡兮高馳翔，杳冥冥兮以東行。

與女遊兮九河，沖風起兮橫波。乘水車兮荷蓋，駕兩龍兮驂螭。登昆侖兮四望，心飛揚兮浩蕩。

日將暮兮悵忘歸，惟極浦兮寤懷。魚鱗屋兮龍堂，紫貝闕兮硃宮。靈何為兮水中？乘白鼉兮逐文魚，

與女遊兮河之渚，流澌紛兮將來下。子交手兮東行，送美人兮南浦。波滔滔兮來迎，魚鄰鄰兮媵予。

若有人兮山之阿，被薜荔兮帶女蘿。既含睇兮又宜笑，子慕予兮善窈窕。乘赤豹兮從文狸，辛夷車兮結桂旗。

被石蘭兮帶杜衡，折芳馨兮遺所思。餘處幽篁兮終不見天，路險難兮獨後來。

表獨立兮山之上，雲容容兮而在下。杳冥冥兮羌晝晦，東風飄兮神靈雨。留靈修兮憺忘歸，歲既晏兮孰華予？

采三秀兮於山間，石磊磊兮葛曼曼。怨公子兮悵忘歸，君思我兮不得閒。山中人兮芳杜若，飲石泉兮廕松柏。

君思我兮然疑作。雷填填兮雨冥冥，猿啾啾兮又夜鳴。風颯颯兮木蕭蕭，思公子兮徒離憂。

操吾戈兮披犀甲，車錯轂兮短兵接。旌蔽日兮敵若雲，矢交墜兮土爭先。凌余陣兮躡余行，左驂殪兮右刃傷。

霾兩輪兮繫四馬，援玉枹兮擊鳴鼓。天時懟兮威靈怒，嚴殺盡兮棄原野。出不入兮往不反，平原忽兮路超遠。

帶長劍兮挾秦弓，首身離兮心不懲。誠既勇兮又以武，終剛強兮不可凌。身既死兮神以靈，魂魄毅兮為鬼雄。

成禮兮會鼓，傳芭兮代舞。姱女倡兮容與。春蘭兮秋鞠，長無絕兮終古。

帝高陽之苗裔兮，朕皇考曰伯庸。攝提貞于孟陬兮，惟庚寅吾以降。皇覽揆余初度兮，肇錫餘以嘉名：

名餘曰正則兮，字餘曰靈均。紛吾既有此內美兮，又重之以修能。扈江離與辟芷兮，紉秋蘭以為佩。

汨餘若將不及兮，恐年歲之不吾與。朝搴阰之木蘭兮，夕攬洲之宿莽。日月忽其不淹兮，春與秋其代序。

惟草木之零落兮，恐美人之遲暮。不撫壯而棄穢兮，何不改乎此度？乘騏驥以馳騁兮，來吾道夫先路！

昔三後之純粹兮，固眾芳之所在。雜申椒與菌桂兮，豈維紉夫蕙茝！彼堯、舜之耿介兮，既遵道而得路。

何桀紂之昌披兮，夫唯捷徑以窘步。惟党人之偷樂兮，路幽昧以險隘。豈餘身之憊殃兮，恐皇輿之敗績！

忽奔走以先後兮，及前王之踵武。荃不察餘之中情兮，反信讒以誑怒。餘固知謇謇之為患兮，忍而不能舍也。

指九天以為正兮，夫唯靈修之故也。曰黃昏以為期兮，羌中道而改路！初既與余成言兮，後悔遁而有他。

餘既不難夫離別兮，傷靈修之數化。余既滋蘭之九畹兮，又樹蕙之百畝。畦留夷與揭車兮，雜杜衡與芳芷。

冀枝葉之峻茂兮，原俟時乎吾將刈。雖萎絕其亦何傷兮，哀眾芳之蕪穢。眾皆競進以貪婪兮，憑不厭乎求索。

羌內恕己以量人兮，各興心而嫉妒。忽馳騫以追逐兮，非餘心之所急。老冉冉其將至兮，恐修名之不立。

朝飲木蘭之墜露兮，夕餐秋菊之落英。苟餘情其信姱以練要兮，長顛頷亦何傷。

擊木根以結茝兮，貫薜荔之落蕊。矯菌桂以紉蕙兮，索胡繩之纒々。謇吾法夫前修兮，非世俗之所服。

雖不周於今之人兮，原依彭鹹之遺則。長太息以掩涕兮，哀民生之多艱。余雖好修姱以鞿羈兮，謇朝諝而夕替。

既替餘以蕙纒兮，又申之以攬茝。亦餘心之所善兮，雖九死其猶未悔。怨靈修之浩蕩兮，終不察夫民心。

眾女嫉餘之蛾眉兮，謠詠謂餘以善淫。固時俗之工巧兮，偃規矩而改錯。背繩墨以追曲兮，競周容以為度。

侘郁邑餘佗傺兮，吾獨窮困乎此時也。寧溘死以流亡兮，餘不忍為此態也。鸞鳥之不群兮，自前世而固然。

何方圜之能周兮，夫孰異道而相安？屈心而抑志兮，忍尤而攘詬。伏清白以死直兮，固前聖之所厚。

悔相道之不察兮，延佇乎吾將反。回朕車以複路兮，及行迷之未遠。步余馬於蘭皋兮，馳椒丘且焉止息。

進不入以離尤兮，退將復修吾初服。制芰荷以為衣兮，集芙蓉以為裳。不吾知其亦已兮，苟餘情其信芳。

高餘冠之岌岌兮，長余佩之陸離。芳與澤其雜糅兮，唯昭質其猶未虧。忽反顧以遊目兮，將往觀乎四荒。

佩繽紛其繁飾兮，芳菲菲其彌章。民生各有所樂兮，余獨好修以為常。雖體解吾猶未變兮，豈餘心之可懲。

女嬃之嬋媛兮，申申其詈予，曰：鯀婞直以亡身兮，終然歿乎羽之野。汝何博謔而好修兮，紛獨有此姱節？

薺葢施以盈室兮，判獨離而不服。眾不可戶說兮，孰雲察餘之中情？世並舉而好朋兮，夫何斃獨而不予聽？

依前聖以節中兮，喟憑心而曆茲。濟沅、湘以南征兮，就重華而陳詞：

啟《九辨》與《九歌》兮，夏康娛以自縱。不顧難以圖後兮，五子用失乎家巷。

羿淫遊以佚畋兮，又好射夫封狐。固亂流其鮮終兮，汨又貪夫厥家。澆身被服強圉兮，縱欲而不忍。

日康娛而自忘兮，厥首用夫顛隕。夏桀之常違兮，乃遂焉而逢殃。後辛之菹醢兮，

殷宗用而不長。

湯、禹儼而祇敬兮，周論道而莫差。舉賢才而授能兮，循繩墨而不頗。皇天無私阿兮，覽民德焉錯輔。

夫維聖哲以茂行兮，苟得用此下土。瞻前而顧後兮，相觀民之計極。夫孰非義而可用兮？孰非善而可服？

阡余身而危死兮，覽余初其猶未悔。不量鑿而正柄兮，固前修以菹醢。曾歔歔余鬱邑兮，哀朕時之不當。

攬茹蕙以掩涕兮，霑餘襟之浪浪。跪敷衽以陳辭兮，耿吾既得此中正。駟玉虬以桀鸞兮，溘埃風餘上征。

朝發軔於蒼梧兮，夕餘至乎縣圃。欲少留此靈瑣兮，日忽忽其將暮。吾令羲和弭節兮，望崦嵫而勿迫。

路曼曼其修遠兮，吾將上下而求索。飲余馬於咸池兮，總餘轡乎扶桑。折若木以拂日兮，聊逍遙以相羊。

前望舒使先驅兮，後飛廉使奔屬。鸞皇為餘先戒兮，雷師告餘以未具。吾令鳳鳥飛騰兮，繼之以日夜。

飄風屯其相離兮，帥雲霓而來禦。紛總總其離合兮，斑陸離其上下。吾令帝閭開關兮，倚閭闔而望予。

時曖曖其將罷兮，結幽蘭而延佇。世溷濁而不分兮，好蔽美而嫉妒。朝吾將濟於白水兮，登閭風而綈馬。

忽反顧以流涕兮，哀高丘之無女。溘吾游此春宮兮，折瓊枝以繼佩。及榮華之未落兮，相下女之可詒。

吾令豐隆乘雲兮，求宓妃之所在。解佩纒以結言兮，吾令謇修以為理。紛總總其離合兮，忽緯繡其難遷。

夕歸次於窮石兮，朝濯發乎洧盤。保厥美以驕傲兮，日康娛以淫遊。雖信美而無禮兮，來違棄而改求。

覽相觀於四極兮，周流乎天餘乃下。望瑤台之偃蹇兮，見有娥之佚女。吾令雁為媒兮，雁告餘以不好。

雄鳩之鳴逝兮，餘猶惡其佻巧。心猶豫而狐疑兮，欲自適而不可。鳳皇既受詒兮，恐高辛之先我。

欲遠集而無所止兮，聊浮游以逍遙。及少康之未家兮，留有虞之二姚。理弱而媒拙兮，恐導言之不固。

世溷濁而嫉賢兮，好蔽美而稱惡。閨中既以邃遠兮，哲王又不寤。懷朕情而不發兮，餘焉能忍而與此終古？

索瓊茅以筮篲兮，命靈氛為餘占之。

曰：兩美其必合兮，孰信修而慕之？思九州之博大兮，豈惟是其有女？

曰：勉遠逝而無狐疑兮，孰求美而釋女？何所獨無芳草兮，爾何懷乎故宇？

世幽昧以眩曜兮，孰雲察餘之善惡？民好惡其不同兮，惟此黨人其獨異！

戶服艾以盈要兮，謂幽蘭其不可佩。覽察草木其猶未得兮，豈理美之能當？

蘇糞壤以充禕兮，謂申椒其不芳。欲從靈氛之吉占兮，心猶豫而狐疑。

巫鹹將夕降兮，懷椒糈而要之。百神翳其備降兮，九疑繽其並迎。皇剌剌其揚靈兮，告余以吉故。

曰：勉升降以上下兮，求矩矱之所同。湯、禹儼而求合兮，摯、咎繇而能調。

苟中情其好修兮，又何必用夫行媒？說操築於傅岩兮，武丁用而不疑。

呂望之鼓刀兮，遭周文而得舉。甯戚之謳歌兮，齊桓聞以該輔。及年歲之未晏兮，時亦猶其未央。

恐鵝鳩之先鳴兮，使夫百草為之不芳。何瓊佩之偃蹇兮，眾蓁然而蔽之。惟此黨人之不諒兮，恐嫉妒而折之。

時繽紛其變易兮，又何可以淹留？蘭芷變而不芳兮，荃蕙化而為茅。何昔日之芳

草兮，今直為此蕭艾也？

豈其有他故兮，莫好修之害也！余以蘭為可恃兮，羌無實而容長。委厥美以從俗兮，苟得列乎眾芳。

椒專佞以慢慝兮，楫又欲充夫佩褱。既幹進而務入兮，又何芳之能祇？固時俗之流從兮，又孰能無變化？

覽椒蘭其若茲兮，又況揭車與江離？惟茲佩之可貴兮，委厥美而曆茲。芳菲菲而難虧兮，芬至今猶未沫。

和調度以自娛兮，聊浮游而求女。及余飾之方壯兮，周流觀乎上下。靈氛既告余以吉占兮，曆吉日乎吾將行。

折瓊枝以為羞兮，精瓊靡以為粢。為餘駕飛龍兮，雜瑤象以為車。何離心之可同兮？吾將遠逝以自疏。

遭吾道夫昆侖兮，路修遠以周流。揚雲霓之□奄藹兮，鳴玉鸞之啾啾。朝發軔於天津兮，夕餘至乎西極。

鳳皇翼其承旂兮，高翱翔之翼翼。忽吾行此流沙兮，遵赤水而容與。麾蛟龍使梁津兮，詔西皇使涉予。

路修遠以多艱兮，騰眾車使徑待。路不周以左轉兮，指西海以為期。屯余車其千乘兮，齊玉軛而並馳。

駕八龍之婉婉兮，載雲旗之委蛇。抑志而弭節兮，神高馳之邈邈。奏《九歌》而舞《韶》兮，聊假日以媮樂。

陟升皇之赫戲兮，忽臨睨夫舊鄉。僕夫悲余馬懷兮，蜷局顧而不行。

亂曰：已矣哉！國無人莫我知兮，又何懷乎故都！既莫足與為美政兮，吾將從彭咸之所居！

天問

曰遂古之初誰傳道 之上下未形何由考 之冥昭瞢暗誰能極之 馮翼惟象何以識之 明明暗暗惟時何為

陰陽三合何本何化 圓則九重孰營度之 惟茲何功孰初作之 幹維焉系天極焉加
八柱何當東南何虧

九天之際安放安屬 隅隈多有誰知其數 天何所逕十二焉分 日月安屬列星安陳
出於湯谷次於蒙汜

自明及晦所行幾裏 夜光所德死則又育 厥利維何而顧菟在腹 女岐無合夫焉取九
子 伯強何處惠氣安在

何闔而晦何開而明 角宿未旦曜靈安藏 不任汨鴻師何以尚之 僉曰何憂何不課而
行之 鳴龜曳銜鯨何聽焉

順欲成功帝何刑焉 永遏在羽山夫何三年不施 伯禹復鯨夫何以變化 纂就前緒遂
成考功 何續初繼業而厥謀不同

洪泉極深何以竇之 地方九則何以墳之 河海應龍何畫何曆 鯨何所營禹何所成
康回馮怒墜何故以東南傾

九州安錯川谷何洿 東流不溢孰知其故 東西南北其修孰多 南北順橢其衍幾何
昆侖縣圃其尻安在

增城九重其高幾裏 四方之門其誰從焉 西北辟啟何氣通焉 日安不到燭龍何照
羲和之未揚若華何光

何所冬暖何所夏寒 焉有石林何獸能言 焉有虯龍負熊以遊 雄虺九首倏忽焉在
何所不死長人何守

靡萍九衢泉華安居 一蛇吞象厥大何如 黑水玄趾三危安在 延年不死壽何所止
鯨魚何所斲堆焉處

羿焉彈日烏焉解羽 禹之力獻功降省下土四方 焉得彼塗山女而通之于台桑 閔妃
匹合厥身是繼

胡維嗜不同味而快鼃飽 啟代益作後卒然離蟹 何啟惟憂而能拘是達 皆歸「身矢」
鞠而無害厥躬

何後益作革而禹播降 啟棘賓商九辨九歌 何勤子屠母而死分竟地 帝降夷羿革孽
夏民 胡射夫河伯而妻彼雒嬪

馮珧利決封豨是射 何獻蒸肉之膏而後帝不若 浞娶純狐眩妻爰謀 何羿之射革而交吞揆之 阻窮西征岩何越焉

化為黃熊巫何活焉 鹹播秬黍莆藿是營 何由並投而鯨疾修盈 白蜺嬰葦胡為此堂 安得夫良藥不能固藏

天式從橫陽離爰死 大鳥何鳴夫焉喪厥體 萍號起雨何以興之 撰體協肋鹿何膺之 鼈戴山抃何以安之

釋舟陵行何以遷之 惟澆在戶何求于嫂 何少康逐犬而顛隕厥首 女歧縫裳而館同爰止 何殿易厥首而親以逢殆

湯謀易旋何以厚之 覆舟斟尋何道取之 桀伐蒙山何所得焉 妹嬉何肆湯何殛焉 舜閔在家父何以鰥

堯不姚告二女何親 厥萌在初何所憶焉 璜台十成誰所極焉 登立為帝孰道尚之 女媧有體孰制匠之

舜服厥弟終然為害 何肆犬體而厥身不危敗 吳獲迄古南嶽是止 孰期去斯得兩男子 緣鵠飾玉後帝是饗

何乘謀夏桀終以滅喪 帝乃降觀下逢伊摯 何條方致罰而黎服大說 簡狄在台譽何宜 玄鳥致貽女何喜

該乘季德厥父是臧 胡終弊于有扈牧夫牛羊 幹協時舞何以懷之 平肋曼虜何以肥之 有扈牧豎雲何而逢

擊床先出其命何從 恒乘季德焉得夫朴牛 何往營班祿不但還來 昏微遵跡有狄不寧 何繁鳥萃棘負子肆情

眩弟並淫危害厥兄 何變化以作詐後嗣而逢長 成湯東巡有莘爰極 何乞彼小臣而吉妃是得 水濱之木得彼小子

夫何惡之媵有莘之婦 湯出重泉夫何臯尤 不勝心伐帝夫誰使挑之 會朝爭盟何踐吾期 蒼鳥群飛孰使萃之

列擊紂躬叔且不嘉 何親揆發定周之命以咨嗟 授殷天下其位安施 反成乃亡其罪

伊何 爭遣伐器何以行之

並驅擊翼何以將之 昭後成游南土爰底 厥利惟何逢彼白雉 慕王巧梅夫何為周流
環理天下夫何索求

妖夫曳銜何號於市 周幽誰誅焉得夫褒姒 天命反側何罰何佑 齊桓九會卒然身殺
彼王紂之躬孰使亂惑

何惡輔弼讒諂是服 比干何逆而抑沈之 雷開何順而賜封之 何聖人之一德卒其異
方 梅伯受醢箕子佯狂

稷維元子帝何竺之 投之于冰上鳥何燠之 何馮弓挾矢殊能將之 既驚帝切激何逢
長之 伯昌好衰秉鞭作牧

何令徹彼岐社命有殷國 遷藏就岐何能依 殷有惑婦何所譏 受賜茲醢西伯上告
何親就上帝罰殷之命以不救

師望在肆昌何識 鼓刀揚聲後何喜 武發殺殷何所悒 載屍集成何所急 伯林雉經
惟其何故何感天抑地夫誰畏懼

皇天集命惟何戒之 受禮天下又使至代之 初湯臣摯後茲承輔 何卒官湯尊食宗緒
勳闔夢生少離散亡

何壯武厲能流厥嚴 彭鏗斟雉帝何饗 受壽永多夫何長 中央共牧後何怒 蜂蛾微
命力何固 驚女采薇鹿何祐

北至四水萃何喜 兄有噬犬弟何欲 易之以百兩卒無祿 薄暮雷電歸何憂 厥嚴不
奉帝何求 伏匿穴處爰何雲

荊動作師夫何長 悟過改更我又何言 吳光爭國久餘是勝 何環穿自閭社丘陵爰出
子文 吾告堵敖以不長

何試上自予忠名彌彰

滔滔孟夏兮，草木莽莽。傷懷永哀兮，汨徂南土。眇兮杳杳，孔靜幽默。鬱結紆
軫兮，離愍而長鞠。

撫情效志兮，冤屈而自抑。剗方以為圜兮，常度未替。易初本迪兮，君子所鄙。

章畫志墨兮，前圖未改。

內厚質正兮，大人所盛。巧倕不斲兮，孰察其撥正。玄文處幽兮，矇瞍謂之不章；離婁微睇兮，瞽以為無明。

變白以為黑兮，倒上以為下。鳳皇在笱兮，雞鶩翔舞。同糶玉石兮，一概而相量。

夫惟黨人之鄙固兮，羌不知余之所臧。任重載盛兮，陷滯而不濟。懷瑾握瑜兮，窮不知所示。

邑犬之群吠兮，吠所怪也。非俊疑傑兮，固庸態也。文質疏內兮，眾不知餘之異采。

材朴委積兮，莫知餘之所有。重仁襲義兮，謹厚以為豐。重華不可遷兮，孰知余之從容！

古固有不能兮，豈知其何故也？湯禹久遠兮，邈而不可慕也？懲違改忿兮，抑心而自強。

離慙而不遷兮，願志之有像。進路北次兮，日昧昧其將暮。舒憂娛哀兮，限之以大故。

亂曰：

浩浩沅湘，分流汨兮。修路幽蔽，道遠忽兮。懷質抱情，獨無匹兮。伯樂既沒，驥焉程兮。

民生稟命，各有所錯兮。定心廣志，余何所畏懼兮？曾傷爰哀，永歎喟兮。

世渾濁莫吾知，人心不可謂兮。知死不可讓，願勿愛兮。明告君子，吾將以為類兮。

惜 誦

惜誦以致潛兮，發憤以抒情。所非忠而言之兮，指蒼天以為正。令五帝使折中兮，戒六神與向服。

俾山川以備禦兮，命咎繇使聽直。竭忠誠而事君兮，反離群而贅疣。忘儂媚以背眾兮，待明君其知之。

言與行其可跡兮，情與貌其不變。故相臣莫若君兮，所以證之不遠。吾誼先君而後身兮，羌眾人之所仇也。

專惟君而無他兮，又眾兆之所仇。壹心而不豫兮，羌無可保也。疾親君而無他兮，有招禍之道也。

思君其莫我忠兮，忽忘身之賤貧。事君而不貳兮，迷不知寵之門。患何罪以遇罰兮，亦非餘之所志也。

行不群以巔越兮，又眾兆之所哈也。紛逢尤以離謗兮，謗不可釋也。情沉抑而不達兮，又蔽而莫之白也。

心郁邑餘侘傺兮，又莫察餘之中情。固煩言不可結而詒兮，願陳志而無路。

退靜默而莫餘知兮，進號呼又莫吾聞。申侘傺之煩惑兮，中悶瞀之饨饨。昔餘夢登天兮，魂中道而無杭。

吾使厲神占之兮，曰：有志極而無旁。終危獨以離異兮？曰：君可思而不可恃。

故眾口其鑠金兮，初若是而逢殆。懲於羹而吹[整/韭-正]兮，何不變此志也？猶有曩之態也。

眾駭遽以離心兮，又何以為此伴也？同極而異路兮，又何以為此援也？晉申生之孝子兮，父信讒而不好。

行婞直而不豫兮，鯀功用而不就。吾聞作忠以造怨兮，忽謂之過言。九折臂而成醫兮，吾至今而知其信然。

矰弋機而在上兮，尉羅張而在下。設張辟以娛君兮，願側身而無所。欲儻徊以幹際兮，恐重患而離尤。

欲高飛而遠集兮，君罔謂汝何之？欲橫奔而失路兮，蓋志堅而不忍。背膺臍以交痛兮，心鬱結而紆軫。

擣木蘭以矯蕙兮，繫申椒以為糧。播江離與滋菊兮，願春日以為糗芳。恐情質之不信兮，故重著以自明。

矯茲媚以私處兮，願曾思而遠身。

涉 江

餘幼好此奇服兮，年既老而不衰。帶長鋏之陸離兮，冠切雲之崔嵬。被明月兮佩寶璐。

世混濁而莫餘知兮，吾方高馳而不顧。駕青虬兮驂白螭，吾與重華遊兮瑤之圃。

登昆侖兮食玉英，與天地兮同壽，與日月兮同光。哀南夷之莫吾知兮，且余濟乎江湘。

乘鄂渚而反顧兮，欸秋冬之緒風。步余馬兮山皋，邸余車兮方林。乘舸船餘上沅兮，齊吳榜以擊汰。

船容與而不進兮，淹回水而疑滯。朝發枉渚兮，夕宿辰陽。苟餘心其端直兮，雖僻遠之何傷。

入溱浦餘儻徊兮，迷不知吾所如。深林杳以冥冥兮，猿狖之所居。山峻高以蔽日兮，下幽晦以多雨。

靄雪紛其無垠兮，雲霏霏而承宇。哀吾生之無樂兮，幽獨處乎山中。吾不能變心而從俗兮，固將愁苦而終窮。

接輿髡首兮，桑扈羸行。忠不必用兮，賢不必以。伍子逢殃兮，比干菹醢。

與前世而皆然兮，吾又何怨乎今之人！余將董道而不豫兮，固將重昏而終身！

亂曰：鸞鳥鳳皇，日以遠兮。燕雀烏鵲，巢堂壇兮。露申辛夷，死林薄兮。腥臊並禦，芳不得薄兮。

陰陽易位，時不當兮。懷信佗傺，忽乎吾將行兮！哀郢

皇天之不純命兮，何百姓之震愆？民離散而相失兮，方仲春而東遷。去故鄉而就遠兮，遵江夏以流亡。

出國門而軫懷兮，甲之朝吾以行。發郢都而去閭兮，怊荒忽其焉極？楫齊揚以容與兮，哀見君而不再得。

望長楸而太息兮，涕淫淫其若霰。過夏首而西浮兮，顧龍門而不見。心嬋媛而傷

懷兮，眇不知其所蹠。

順風波以從流兮，焉洋洋而為客。凌陽侯之汜濫兮，忽翱翔之焉薄。心絳結而不解兮，思蹇產而不釋。

將運舟而下浮兮，上洞庭而下江。去終古之所居兮，今逍遙而來東。羌靈魂之欲歸兮，何須臾而忘反。

背夏浦而西思兮，哀故都之日遠。登大墳以遠望兮，聊以舒吾憂心。哀州土之平樂兮，悲江介之遺風。

當陵陽之焉至兮，淼南渡之焉如？曾不知夏之為丘兮，孰兩東門之可蕪？心不怡之長久兮，憂與愁其相接。

惟郢路之遼遠兮，江與夏之不可涉。忽若不信兮，至今九年而不復。慘鬱鬱而不通兮，蹇侘傺而含戚。

外承歡之[彳勺]約兮，諶荏弱而難持。忠湛湛而願進兮，妒被離而鄣之。堯舜之抗行兮，瞭杳杳而薄天。

眾讒人之嫉妒兮，被以不慈之偽名。憎愠惔之修美兮，好夫人之慷慨。眾蹀躞而日進兮，美超遠而逾邁。

亂 曰：

曼餘目以流觀兮，冀一反之何時？鳥飛反故鄉兮，狐死必首丘。信非吾罪而棄逐兮，何日夜而忘之？

心鬱鬱之憂思兮，獨永歎乎增傷。思蹇產之不釋兮，曼遭夜之方長。悲秋風之動容兮，何回極之浮浮。

數惟蓀之多怒兮，傷餘心之憂憂。願搖起而橫奔兮，覽民尤以自鎮。結微情以陳詞兮，矯以遺夫美人。

昔君與我誠言兮，曰黃昏以為期。羌中道而回畔兮，反既有此他志。憍吾以其美好兮，覽余以其修姱。

與餘言而不信兮，蓋為餘而造怒。願承閒而自察兮，心震悼而不敢。悲夷猶而冀進兮，心怛傷之憺憺。

茲曆情以陳辭兮，蓀詳讜而不聞。固切人之不媚兮，眾果以我為患。初吾所陳之耿著兮，豈至今其庸亡？

何獨樂斯之謇謇兮？願蓀美之可光。望三王以為像兮，指彭鹹以為儀。夫何極而不至兮，故遠聞而難虧。

善不由外來兮，名不可以虛作。孰無施而有報兮，孰不實而有獲？

少歌曰：

與美人抽思兮，並日夜而無正。憍吾以其美好兮，敖朕辭而不聽。倡曰：有鳥自南兮，來集漢北。

好媵佳麗兮，牒獨處此異域。惇滄獨而不群兮，又無良媒在其側。道卓遠而日忘兮，願自申而不得。

望北山而流涕兮，臨流水而太息。望孟夏之短夜兮，何晦明之若歲？惟郢路之遼遠兮，魂一夕而九逝。

曾不知路之曲直兮，南指月與列星。願徑逝而未得兮，魂識路之營營。何靈魂之信直兮，人之心不與吾心同！

理弱而媒不通兮，尚不知余之從容。

亂 曰：

長瀨湍流，溯江潭兮。狂顧南行，聊以娛心兮。軫石巖嵬，蹇吾願兮。超回志度，行隱進兮。

低徊夷猶，宿北姑兮。煩冤瞽容，實沛徂兮。愁歎苦神，靈遙思兮。路遠處幽，又無行媒兮。

道思作頌，聊以自救兮。憂心不遂，斯言誰告兮。

思美人

思美人兮，攬涕而竚眙。媒絕路阻兮，言不可結而詒。蹇蹇之煩冤兮，陷滯而不發。

申旦以舒中情兮，志沉菀而莫達。願寄言於浮雲兮，遇豐隆而不將。因歸鳥而致

辭兮，羌迅高而難當。

高辛之靈盛兮，遭玄鳥而致詒。欲變節以從俗兮，媿易初而屈志。獨歷年而離潛兮，羌憑心猶未化。

甯隱閔而壽考兮，何變易之可為！知前轍之不遂兮，未改此度。車既覆而馬顛兮，蹇獨懷此異路。

勒騏驥而更駕兮，造父為我操之，遷途次而勿驅兮，聊假日以須是時。指嶓冢之西隈兮，與纁黃以為期。

開春發歲兮，白日出之悠悠。吾將蕩志而愉樂兮，遵江夏以娛憂。

攬大薄之芳[艸/頤-頁]兮，搴長洲之宿莽。惜吾不及古人兮，吾誰與玩此芳草？

解蕭薄與雜菜兮，備以為交佩。佩繽紛以繚轉兮，遂萎絕而離異。吾且儻徊以娛憂兮，觀南人之變態。

竊快在中心兮，揚厥憑而不埃。芳與澤其雜糅兮，羌芳華自中出。紛鬱鬱其遠蒸兮，滿內而外揚。

情與質信可保兮，羌居蔽而聞章。令薜荔以為理兮，憚舉趾而緣木。因芙蓉而為媒兮，憚褰裳而濡足。

登高吾不說兮，入下吾不能。固朕形之不服兮，然容與而狐疑。廣遂前畫兮，未改此度也。

命則處幽吾將罷兮，願及白日之未暮也。獨晬晬而南行兮，思彭鹹之故也。

惜往日

惜往日之曾信兮，受命詔以昭時。奉先功以照下兮，明法度之嫌疑。國富強而法立兮，屬貞臣而日埃。

秘密事之載心兮，雖過失猶弗治。心純龐而不泄兮，遭讒人而嫉之。君含怒而待臣兮，不清澈其然否。

蔽晦君之聰明兮，虛惑誤又以欺。弗參驗以考實兮，遠遷臣而弗思。信讒諛之渾濁兮，盛氣志而過之。

何貞臣之無罪兮，被離謗而見尤。慚光景之誠信兮，身幽隱而備之。臨沅湘之玄淵兮，遂自忍而沉流。

卒沒身而絕名兮，惜壅君之不昭。君無度而弗察兮，使芳草為藪幽。焉舒情而抽信兮，恬死亡而不聊。

獨障壅而弊隱兮，使貞臣為無由。聞百里之為虜兮，伊尹烹於庖廚。呂望屠於朝歌兮，甯戚歌而飯牛。

不逢湯武與桓繆兮，世孰雲而知之。吳信讒而弗味兮，子胥死而後憂。介子忠而立枯兮，文君寤而追求。

封介山而為之禁兮，報大德之優遊。思久故之親身兮，因縞素而哭之。或忠信而死節兮，或訑謾而不疑。

弗省察而按實兮，聽讒人之虛辭。芳與澤其雜糅兮，孰申旦而別之？何芳草之早妖兮，微霜降而下戒。

諒聰不明而蔽壅兮，使讒諛而日得。自前世之嫉賢兮，謂蕙若其不可佩。妒佳冶之芬芳兮，媼母姣而自好。

雖有西施之美容兮，讒妒人以自代。願陳情以白行兮，得罪過之不意。情冤見之日明兮，如列宿之錯置。

乘騏驥而馳騁兮，無轡銜而自載；乘泛泝以下流兮，無舟楫而自備。背法度而心治兮，辟與此其無異。

寧溘死而流亡兮，恐禍殃之有再。不畢辭而赴淵兮，惜壅君之不識。

後皇嘉樹，橘徠服兮。受命不遷，生南國兮。深固難徙，更壹志兮。綠葉素榮，紛其可喜兮。

曾枝剌棘，圓果搏兮。青黃雜糅，文章爛兮。精色內白，類任道兮。紛緼宜修，姱而不醜兮。

嗟爾幼志，有以異兮。獨立不遷，豈不可喜兮？深固難徙，廓其無求兮。蘇世獨立，橫而不流兮。

閉心自慎，終不失過兮。秉德無私，參天地兮。願歲並謝，與長友兮。淑離不淫，梗其有理兮。

年歲雖少，可師長兮。行比伯夷，置以為像兮。

悲回風

悲回風之搖蕙兮，心冤結而內傷；物有微而隕性兮，聲有隱而先倡。夫何彭鹹之造思兮，暨志介而不忘；

萬變其情豈可蓋兮，孰虛偽之可長？鳥獸鳴以號群兮，草苴比而不芳；魚鼈鱗以自別兮，蛟龍隱其文章。

故荼薺不同畝兮，蘭芷幽而獨芳；惟佳人之永都兮，更統世以自貶。眇遠志之所及兮，憐浮雲之相羊；

介眇志之所惑兮，竊賦詩之所明。惟佳人之獨懷兮，折若椒以自處；曾[虛欠]歛之嗟嗟兮，獨隱伏而思慮。

涕泣交而淒淒兮，思不眠以至曙；終長夜之曼曼兮，掩此哀而不去。寤從容以周流兮，聊逍遙以自恃；

傷太息之潛憐兮，氣於邑而不可止。(糸旁虬)思心以為[糸襄]兮，編愁苦以為膺。折若木以弊光兮，

隨飄風之所仍。存彷彿而不見兮，心踴躍其若湯；撫佩[衤任]以案兮，超惘惘而遂行。歲忽忽其若頽兮，

時亦冉冉而將至；(艸頭煩)蘅槁而節離兮，芳以歇而不比。憐思心之不可懲兮，證此言之不可聊；

寧溘死而流亡兮，不忍此心之常愁。孤子吟而(扌旁文)淚兮，放子出而不還；孰能思而不隱兮，

照彭鹹之所閑。登石巒以遠望兮，眇眇之默默；入景響之無聲兮，聞省想而不可得。愁鬱鬱之無快兮，

居戚戚而不可解；心[革幾]羈而不開兮，氣繚轉而自締。馬眇之無垠兮，莽芒芒

之無儀；聲有隱而相感兮，

物有純而不可為。邈漫漫之不可量兮，縹綿綿之不可紆；悄悄之常悲兮，翩冥冥之不可娛；凌大波而流風兮，

托彭咸之所居。上高岩之峭岸兮，處雌霓之標顛；據青冥而攄虹兮，遂修忽而捫天。吸湛露之浮源兮，

漱凝霜之(雨頭芬)；依風穴以自息兮，忽傾寤以嬋媛。馮昆侖以(彳旁徵)霧兮，隱岷山以清江；

憚湧湍之磕磕兮，聽波聲之洶洶。紛容容之無經兮，罔芒芒之無紀；軋洋洋之無從兮，馳委移之焉止？

漂翻翻其上下兮，翼遙遙其左右。汜(彳旁橘)(彳旁橘)其前後兮，伴張馳之信期。觀炎氣之相仍兮，

窺煙液之所積；悲霜雪之俱下席，聽潮水之相擊。借光景以往來兮，施黃棘之枉策；求介子之所存兮，

見伯夷之放跡。心調度而弗去兮，刻著志之無適。曰：吾怨往昔之所冀兮，悼來者之惕惕；浮江淮而入海兮，

從子胥而自適。望大河之洲渚兮，悲申徒之抗跡；驟諫君而不聽兮，任重石之何益？心(糸旁窪)結而不解兮，

思蹇產而不釋。

朕幼清以廉潔兮，身服義而未沫。主此盛德兮，牽於俗而蕪穢。上無所考此盛德兮，長離殃而愁苦。

帝告巫陽曰：有人在下，我欲輔之。魂魄離散，汝筮予之。巫陽對曰：掌夢！上帝：其難從；若必筮予之，

恐後之謝，不能複用。巫陽焉乃下招曰：魂兮歸來！去君之恒幹，何為四方些？舍君之樂處，而離彼不祥些。

魂兮歸來！東方不可以托些。長人千仞，惟魂是索些。十日代出，流金鑠石些。

彼皆習之，魂往必釋些。

歸來兮！不可以托些。魂兮歸來！南方不可以止些。雕題黑齒，得人肉以祀，以其骨為醢些。

蝮蛇綦綦，封狐千里些。雄虺九首，往來倏忽，吞人以益其心些。歸來兮！不可久淫些。

魂兮歸來！西方之害，流沙千里些。旋入雷淵，[靡/兮]散而不可止些。幸而得脫，其外曠宇些。

赤蟻若象，玄蜂若壺些。五穀不生，叢菅是食些。其土爛人，求水無所得些。彷徨無所倚，廣大無所極些。

歸來兮！恐自遺賊些。魂兮歸來！北方不可以止些。增冰峨峨，飛雪千里些。歸來兮！不可以久些。

魂兮歸來！君無上天些。虎豹九關，啄害下人些。一夫九首，拔木九千些。豺狼從目，往來佻佻些。

懸人以嬉，投之深淵些。致命於帝，然後得瞑些。歸來！往恐危身些。魂兮歸來！君無下此幽都些。

土伯九約，其角鬻鬻些。敦荻血拇，逐人佈駸駸些。參目虎首，其身若牛些。此皆甘人。

歸來！恐自遺災些。魂兮歸來！入修門些。工祝招君，背行先些。秦篝齊縷，鄭綿絡些。

招具該備，永嘯呼些。魂兮歸來！反故居些。天地四方，多賊奸些。像設君室，靜閑安些。

高堂邃宇，檻層軒些。層台累榭，臨高山些。網戶朱綴，刻方連些。冬有突廈，夏室寒些。

川穀徑複，流澗浹些。光風轉蕙，汜崇蘭些。經堂入奧，朱塵筵些。砥室翠翹，掛曲瓊些。

翡翠珠被，爛齊光些。弱阿拂壁，羅幃張些。纂組綺縞，結琦璜些。室中之觀，多珍怪些。

蘭膏明燭，華容備些。二八侍宿，射遞代些。九侯淑女，多迅眾些。盛鬋不同制，實滿宮些。

容態好比，順彌代些。弱顏固植，饗其有意些。姱容修態，絢洞房些。蛾眉曼睩，目騰光些。

靡顏膩理，遺視睇些。離榭修幕，侍君之閑些。悲帷翠帳，飾高堂些。紅壁沙版，玄玉梁些。

仰觀刻桷，畫龍蛇些。坐堂伏檻，臨曲池些。芙蓉始發，雜芰荷些。紫莖屏風，文緣波些。

文異豹飾，侍陂陀些。軒輶既低，步騎羅些。蘭薄戶樹，瓊木籬些。魂兮歸來！何遠為些。

室家遂宋，食多方些。稻粢穠麥，挈黃梁些。大苦咸酸，辛甘行些。肥牛之臠，臠若芳些。

和酸若苦，陳吳羹些。醜鱉炮羔，有柘漿些。鵠酸臠臠，煎鴻鶻些。露雞臠蠆，厲而不爽些。

糗[米女]蜜餌，有餼餽些。瑤漿蜜勺，實羽觴些。挫糟凍飲，酎清涼些。華酌既陳，有瓊漿些。

歸來反故室，敬而無防些。肴羞未通，女樂羅些。陳鐘按鼓，造新歌些。涉江采菱，發揚荷些。

美人既醉，朱顏酡些。嬉光眇視，目曾波些。被文服纖，麗而不奇些。長髮曼鬋，豔陸離些。

二八齊容，起鄭舞些。衽若交竿，撫案下些。竽瑟狂會，攄鳴鼓些。宮庭震驚，發激楚些。

吳歎蔡謳，奏大呂些。士女雜坐，亂而不分些。放陳組纓，班其相紛些。鄭衛妖玩，來雜陳些。

激楚之結，獨秀先些。菟蔽象棋，有六簿些。分曹並進，適相迫些。成梟而牟，呼五白些。

晉制犀比，費白日些。鏗鐘搖箏，揆梓瑟些。娛酒不廢，沈日夜些。蘭膏明燭，華燈錯些。

結撰至思，蘭芳假些。人有所極，同心賦些。酌飲盡歡，樂先故些。魂兮歸來！反故居些。

亂曰：獻歲發春兮，汨吾南征。葦蘋齊葉兮，白芷生。路貫廬江兮，左長薄。倚沼畦瀛兮，遙望博。

青驪結駟兮，齊千乘。懸火延起兮，玄顏烝。步及驟處兮，誘騁先。抑鷺若通兮，引車右還。

與王趨夢兮，課後先。君王親發兮，憚青兕。朱明承夜兮，時不可以淹。皋蘭被徑兮，斯路漸。

湛湛江水兮，上有楓。目極千里兮，傷春心。魂兮歸來！哀江南！

青春受謝，白日昭只。春氣奮發，萬物遽只。冥凌浹行，魂無逃只。魂魄歸來！無遠遙只。

魂乎歸來！無東無西，無南無北只。東有大海，溺水洊洊只。螭龍並流，上下悠悠只。

霧雨淫淫，白皓膠只。魂乎無東！湯穀寂寥只。魂乎無南！南有炎火千里，蝮蛇蜒只。

山林險隘，虎豹蜿只。鰕鱖短狐，王虺騫只。魂乎無南！蜮傷躬只。魂乎無西！西方流沙，漭洋洋只。

豕首縱目，被發鬢只。長爪踞牙，諛笑狂只。魂乎無西！多害傷只。魂乎無北！北有寒山，趙龍飴只。

代水不可涉，深不可測只。天白顛顛，寒凝凝只。魂乎無往！盈北極只。魂魄歸來！閑以靜只。

自恣荆楚，安以定只。逞志究欲，心意安只。窮身永樂，年壽延只。魂乎歸來！樂不可言只。

五穀六仞，設菰梁只。鼎臠盈望，和致芳只。內鶻鶻，味豺羹只。魂乎歸來！恣所嘗只。

鮮蠶甘雞，和楚酷只。醢豚苦狗，膾苴[艸/專]只。吳酸蒿蕞，不沾薄只。魂兮歸來！恣所擇只。

炙鵠烝鳧，黏鶉陳只。煎[魚責]臠雀，遽爽存只。魂乎歸來！麗以先只。四酎並孰，不澀啗只。

清馨凍飲，不歡役只。吳醴白蘘，和楚瀝只。魂乎歸來！不遽惕只。代秦鄭衛，鳴竽張只。

伏戲駕辯，楚勞商只。謳和揚阿，趙蕭倡只。魂乎歸來！定空桑只。二八接舞，投詩賦只。

叩鐘調磬，娛人亂只。四上競氣，極聲變只。魂乎歸來！聽歌謨只。朱唇皓齒，嫵以媠只。

比德好閑，習以都只。豐肉微骨，調以娛只。魂乎歸來！安以舒只。媠目宜笑，娥眉曼只。

容則秀雅，稚朱顏只。魂乎歸來！靜以安只。媠修滂浩，麗以佳只。曾頰倚耳，曲眉規只。

滂心綽態，姣麗施只。小腰秀頸，若鮮卑只。魂乎歸來！思怨移只。易中利心，以動作只。

粉白黛黑，施芳澤只。長袂拂面，善留客只。魂乎歸來！以娛昔只。青色直眉，美目嫵只。

靨輔奇牙，宜笑嗎只。豐肉微骨，體便媠只。魂乎歸來！恣所便只。夏屋廣大，沙堂秀只。

南房小壇，觀絕靄只。曲屋步壩，宜擾畜只。騰駕步遊，獵春囿只。瓊轂錯衡，

英華假只。

[艸/頤-頁]蘭桂樹，郁彌路只。魂乎歸來！恣志慮只。孔雀盈園，畜鸞皇只！

鷓鴣群晨，雜鶯鶯只。鴻鵠代遊，曼鸕鷀只。魂乎歸來！鳳凰翔只。曼澤怡面，血氣盛只。

永宜厥身，保壽命只。室家盈廷，爵祿盛只。魂乎歸來！居室定只。接徑千里，出若雲只。

三圭重侯，聽類神只。察篤天隱，孤寡存只。魂兮歸來！正始昆只。田邑千畝，人阜昌只。

美冒眾流，德澤章只。先威後文，善美明只。魂乎歸來！賞罰當只。名聲若日，照四海只。

德譽配天，萬民理只。北至幽陵，南交阯只。西薄羊腸，東窮海只。魂乎歸來！尚賢士只。

發政獻行，禁苛暴只。舉傑壓陞，誅譏罷只。直羸在位，近禹麾只。豪傑執政，流澤施只。

魂乎歸來！國家為只。雄雄赫赫，天德明只。三公穆穆，登降堂只。諸侯畢極，立九卿只。

昭質既設，大侯張只。執弓挾矢，揖辭讓只。魂乎來歸！尚三王只。

悲時俗之近[卩厄]兮，願輕舉而遠遊。質菲薄而無因兮，焉托乘而上浮？遭沈濁而污穢兮，獨鬱結其誰語！

夜耿耿而不寐兮，魂營營而至曙。惟天地之無窮兮，哀人生之長勤，往者餘弗及兮，來者吾不聞，

步徙倚而遙思兮，怊惝[卩兄]而乖懷。意荒忽而流蕩兮，心愁淒而增悲。神倏忽而不反兮，形枯槁而獨留。

內惟省以端操兮，還應正氣之所由。漠虛靜以恬愉兮，澹無為而自得。聞赤松之清塵兮，願承風乎遺則。

貴真人之休德兮，美往世之登仙，與化去而不風兮，名聲著而日延。奇傳說之托辰星兮，羨韓眾之得一。

形履亂越遠兮，離人群而遁逸。因氣變而遂曾舉兮，忽神奔而鬼怪。

時仿佛以遙見兮，精[日交][日交]以往來。超氛埃而淑郵兮，終不反其故都。

免眾患而不懼兮，世莫知其所如。恐天時之代序兮，耀靈曄而西征。微霜降而下淪兮，悼芳草之先零。

聊仿佯而逍遙兮，永歷年而無成。誰可與玩斯遺芳兮？長向風而舒情。高陽邈以遠兮，餘將焉所程？

重曰：

春秋忽其不淹兮，奚久留此故居。軒轅不可攀援兮，吾將從王喬而娛戲。餐六氣而飲沆瀣兮，漱正陽而含朝霞。

保神明之清澄兮，精氣入而粗穢除。順凱風以從遊兮，至南巢而一息。見王子而宿之兮，審一氣之和德。

曰：道可受兮，不可傳；其小無內兮，其大夫垠；毋滑而魂兮，彼將自然；一氣孔神兮，於中夜存；

虛以待之存，無以為先；庶類以成兮，此德之門。聞至貴而遂徂兮，忽乎吾將行。

仍羽人於丹丘，留不死之舊鄉。朝濯發于湯穀兮，夕[日希]餘身兮九陽。吸飛泉之微液兮，懷琬琰之華英。

玉色[並頁]以[月免]顏兮，精醇粹而始壯。質銷鑠以[彳勺]約兮，神要眇以淫放。

嘉南州之炎德兮，麗桂樹之冬榮；山蕭條而無獸兮，野寂漠其無人。載營魄而登霞兮，掩浮雲而上征。

命天閭其開關兮，排閭闔而望予。如豐隆使先導兮，問太微之所居。集重陽入帝宮兮，造旬始而觀清都。

朝發軔於太儀兮，夕始臨乎於微閭。屯余車之萬乘兮，紛容與而並馳。駕八龍之

婉婉兮，載雲旗之透蛇。

建雄虹之采旄兮，五色雜而炫耀。服偃蹇以低昂兮，驂連蜷以驕驚。騎膠葛以雜亂兮，斑漫衍而方行。

撰餘轡而正策兮，吾將過乎句芒。曆太皓以右轉兮，前飛廉以啟路。陽杲杲其未光兮，凌天地以徑度。

風伯為作先驅兮，氛埃辟而清涼。鳳凰翼其承旗兮，遇蓐收乎西皇。攬慧星以為[方令]兮，舉斗柄以為麾。

叛陸離其上下兮，遊驚霧之流波。時暖[日逮]其[日黨]莽兮，召玄武而奔屬。

後文昌使掌行兮，選署眾神以並轂。路漫漫其修遠兮，徐弭節而高厲。左兩師使徑侍兮，右雷公以為衛。

欲度世以忘歸兮，意姿睢以擔擣。內欣欣而自美兮，聊愉娛以淫樂。涉青雲以汜濫遊兮，忽臨睨夫舊鄉。

僕夫懷餘心悲兮，邊馬顧而不行。思舊故以想像兮，長太息而掩涕。泛容與而遐舉兮，聊抑志而自弭。指炎神而直馳兮，吾將往乎南疑。

覽方外之荒忽兮，沛[澠罔][澠養]而自浮。祝融戒而蹕禦兮，騰告鸞鳥迎宓妃。

張《咸池》奏《承雲》兮，二女禦《九韶》歌。使湘靈鼓瑟兮，令海若舞馮夷。

玄螭蟲象並出進兮，形[蟲戮不要戈]虬而透蛇。雌[鯢為蟲旁]便娟以增兮，鸞鳥軒翥而翔飛。

音樂博衍無終極兮，焉及逝以徘徊。舒並節以馳驚兮，[沁卓]絕垠乎寒門。軼迅風天清源兮，從顛瑣乎增冰。

曆玄冥以邪徑兮，乘間維以反顧。召黔羸而見之兮，為余先乎平路。經營四方兮，周流六漠。

上至列缺兮，降望大壑。下崢嶸而無地兮，上寥廓而無天。視倏忽而無見兮，聽倘恍而無聞。

超無為以至清兮，與泰初而為鄰。

屈原既放，三年不得復見，竭知盡忠，而蔽鄣於讒，心煩慮亂，不知所從。

乃往見太卜鄭詹尹曰：余有所疑，原因先生決之。詹尹乃端策拂龜曰：君

將何以教之？屈原曰：吾寧悒悒款款，樸以忠乎？將送往勞來，斯無窮乎？

甯誅鋤草茅，以力耕乎？將游大人，以成名乎？甯正言不諱，以危身乎？將從俗富貴，以媮生乎？

甯超然高舉，以保真乎？將啜訾栗斯，喔咿嚅唅，以事婦人乎？甯廉潔正直，以自清乎？

將突梯滑稽，如脂如韋，以潔楹乎？寧昂昂若千里之駒乎？將汨汨若水中之鳧乎？

與波上下，偷以全吾軀乎？寧與騏驥亢軛乎？將隨鴛馬之跡乎？甯與黃鵠比翼乎？將興雞鶩爭食乎？

此孰吉孰凶？何去何從？世溷濁而不清：蟬翼為重，千鈞為輕；黃鐘毀棄，瓦釜雷鳴；讒人高張，賢士無名。

籲嗟默默兮，誰知吾之廉貞？詹尹乃釋策而謝曰：夫尺有所短，寸有所長，物有所不足，智有所不明，

數有所不逮，神有所不通，用君之心，行君之意。龜策誠不能知事。

屈原既放，游於江潭，行吟澤畔，顏色憔悴，形容枯槁。漁父見而問之曰：子非三閭大夫與？何故至於斯！

屈原曰：舉世皆濁我獨清，眾人皆醉我獨醒，是以見放！漁父曰：聖人不凝滯於物，而能與世推移。

世人皆濁，何不溷其泥而揚其波？眾人皆醉，何不鋪其糟而歎其醜？何故深思高舉，自令放為？

屈原曰：吾聞之，新沐者必彈冠，新浴者必振衣；安能以身之察察，受物之汶汶

者乎！

寧赴湘流，葬於江魚之腹中。安能以皓皓之白，而蒙世俗之塵埃乎！漁父莞爾而笑，鼓枻而去，乃歌曰：
滄浪之水清兮，可以濯吾纓。滄浪之水濁兮，可以濯吾足。遂去不復與言。

自全集字數：16,226